



JUDICIAL SYSTEM MONITORING PROGRAMME

PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Periodu: Juñu2011

Edisaun: 02 Juñu 2011

JSMP hala'ó treinamentu ba membru PNTL iha Distritu Lautem

Iha loron 26 Maiu 2011 JSMP, liu husi Unidade Peskiza Legál no Unidade Justisa ba Feto hala'ó treinamentu ba membru Polísia Nasionál Timór Léste iha Komandu Distrital Lautem. Materia ba treinamentu ne'e mak: *“Lei Kontra Violénsia Doméstika, Direitu Penál no Prosesu Penál”*

Partisipa iha treinamentu ne'e, membru Polísia Nasionál Timór Léste husi unidade VPU, Investigasaun no unidade sira seluk, inklui komandante esquadra sira husi sub distritu sira iha distritu Lautem.

Diretór JSMP Luis de Oliveira Sampaio haktuir katak” *Treinamentu ne'ebé mak hala'ó hanesan kontinuasaun husi treinamentu hirak ne'ebé mak JSMP hala'ó tiha ona iha tinan sira uluk liu ba kotuk hodi dezimina informasaun legál relevantes, hametin kuñesimentu membru polísia sira ne'ebé mak aleinde hala'ó knaar seguransa, sira mós hola parte mós nu'udar assistente Ministériu Públiku iha aspeitu investigasaun kriminál nian”.*

Iha parte seluk, segundu komandante PTNL Distritu Lautem iha ninia intervensaun haktuir katak *“Komandu PNTL Distritu Lautem agrade-se ba JSMP ne'ebé mak bele fasilita ona treinamentu ba membru polísia sira, liu-liu konabá Lei Kontra Violénsia Doméstika ne'ebé mak iha tinan kotuk tama en vigor.*

Durante treinamentu ne'e, JSMP nota katak partisipantes iha treinamentu ida ne'e iha antusiasmu maka'as hodi tuir matéria sira ne'ebé mak fasilidador sira hato'o, no ativu iha sesaun diskusaun, liu-liu ba materia kona ba Lei Kontra Violénsia Doméstika, tanbá konsidera hanesan materia ne'ebé mak foun no sira persiza liu atu hatene materia ida ne'e.

Iha parte seluk, partisipantes sira mós rekomenda ba JSMP atu kontinua hala'ó aktividade hanesan, liu-liu ba membru polísia sira iha sub distritu tanbá sira mós persija liu treinamentu ba materia relevante, liu-liu lei aplikavel sira ne'ebé mak relasiona ho sira nia knaar.

Treinamentu ne'e realiza tanbá hetan apoiu finanseiru husi The Royal Norwegian Embassy no Justice Facility.

Atu hetan informasaun kle'an, favor kontaktu:

Luis de Oliveria Sampaio

Diretór Ezekutivu JSMP

Email: luis@jsmp.minihub.org

Landline: +670 3323883